

ZIZUR NAGUSIKO KULTUR ETXEAREN ANTOLAKETARI ETA ERABILPENARI BURUZKO ARAUDIA

1. kap. DEFINIZIOA:

1.1 Zizur Nagusiko Kultur Etxea udalarena da eta bere erabilpenaren eta antolamenduaren erantzukizuna Zizur Nagusiko Udalari dagokio. Zizur Nagusiko biztanleen partehartzeko bidea eta gune soziokulturala izatea helburu nagusia izanik sortu da. Era berean, eskualdean txertatzen saiatuko da Etxea, baita, hortaz, esparru horretan sor daitezkeen planteamenduei erantzuna ematen ere.

1.2 Zizur Nagusiko Udalak, alkatearen bitartez, Kultur Patronatua eskuordetzen du Kultur Etxearen eraikinaren barnean eta inguruan izanen diren jarduera, ikastaro eta ikuskizunen antolaketan, kudeaketan eta jarraipenean egon litekeen erantzukizunerako.

1.3 Kultur koordinatzailea zentroko zuzendari arituko da eta jardueren kudeaketa, abian jartze eta segimenduaren erantzule teknikoak izanen da ondorio guztietarako eta, Kultur Etxeari dagokionez, hauek izanen ditu eginkizunak, besteak beste:

- Lokalen ordena mantentzea eta berauek erabiltzeko araudia betearaztea.
- Kultur Etxeko zerbitzu eta guneak eskatu eta erabiltzen ahal dituzten talde eta kolektiboak koordinatzea.
- Kultur Etxea erabiltzeko egiten diren proposamenak jaso, bideratu eta, hala behar denean, Patronatuko batzordeari helaraztea.

2. kap. ORDUTEGIA:

2.1. Kultur Etxea honako ordu hauetan egonen ohi da zabalik:

◆ Irailetik ekainera bitartean:

- astelehenetik ostiralera: 09:00etatik 22:00etara.
- larunbatetan: 10:00etatik 14:00etara eta 17:00etatik 21:00etara.
- igande eta jaiegunetan: 12:00etatik 14:00etara.

◆ Uztailean eta abuztuan:

- astelehenetik ostiralera: 08:00etatik 15:00etara.

2.2 Kultur Patronatuak, zentroko zuzendariaren bitartez, antola daitezkeen ekitaldien beharren arabera, ordutegia aldatzen ahal izanen du.

3. kap. EKITALDIAK:

3.1 Burutuko diren ekitaldiak kultur alorrekoak izanen dira gehienbat, hau da:

- Ikastaro eta hitzaldi edo konferentzia soziokultural eta hezigarriak.
- Antzerki edo dantza saioak.
- Musika, antzerki eta dantza taldeen eta kultur alorreko kolektiboen entseiuak.
- Entzunaldiak eta kontzertuak.
- Proiekzioak eta ikus-entzunezko saioak.
- Erakusketak.
- Liburutegi orokorra.
- Haurren liburutegia.

3.2 Arestian aipaturiko ekitaldiek, udal-programaren barruan kokaturik ez baleude, gauzatuak izateko, zentroko zuzendariaren hasierako onespena izan beharko dute.

3.3 3.1. puntuko zerrendan sartzen ez den bestelako edozein ekitaldik ez du lehentasunik izanen, eta, burutu ahal izateko, Etxeko zeinahi tokiren erabilpena idatziz eskatu beharko da. Artikulu hau auzoen bilerei dagokie zehazki.

3.4 Alderdi edo talde politikoen jarduera Kultur Etxean programatu daitezkeen jardueratik kanpo uzten da. Xede horretarako, Udalak talde politikoei bidezko udal-lokala emango die.

4. kap. ERABILTZAILAK:

4.1 Kultur Etxeko zerbitzuen erabiltzailetzat bai ikusle bai irakurle zein ikastaroetan nola beste ekitaldietan partehartzaile gisa bertaratzten den lagun oro hartuko da.

4.2 Hona hemen erabiltzaileen betebeharrak:

<ul style="list-style-type: none"> ▪ Erabakiriko ordutegiak errespetatzea. ▪ Bertan diren altzariak errespetatu eta egoki erabiltzea. ▪ Kultur Etxeko azpiegitura egoki erabiltzea. ▪ Lokalaren ordena eta garbitasuna errespetatzea. ▪ Lokalen arduradunak/ek ematen ditu(zt)en aginduak betetzea.
4.3 Lokalak behar ez bezala erabiltzea eta 4.2 artikuluan xedaturikoa bete ez izatea zigortzeko arrazoi izan daitezke.
4.4 Zigorrek Kultur Patronatuko zuzendaritza batzordeak ezarriko ditu, zentroko zuzendariak igorriko duen nahitaezko txostenaren bidez. Aipatu batzordeak hutsegitea neurtuko du eta horri dagokion zigorra ezarriko.
4.5 Ez larritzat jotako beste edozein hutsegite zentroko zuzendariak berak ebatziko du, Kultur Patronatuaren presidentea jakinaren gainean egonik.
5. kap. GUNE MOTAK:
5.1 Kultur Etxean hainbat gune bereiz daiteke, ezaugarrien arabera, maila hauetan sailkatuz: <ul style="list-style-type: none"> ◆ 1. MAILA: ZERBITZU IRAUNKORRAK <ul style="list-style-type: none"> A. Administrazio eremuak: <ul style="list-style-type: none"> ▪ Kultura/Euskara zerbitzua. ▪ Atezaintza. ▪ Bake epaitegia. B. Liburutegi publikoa: <ul style="list-style-type: none"> ▪ Orokorra. ▪ Haurrena. C. Taberna-Kafetegia. ◆ 2. MAILA: ERABILERA BAKARREKO GUNEAK <ul style="list-style-type: none"> A. Bileretarako aretoa. B. C aretoa: Pintura tailerra. ◆ 3. MAILA: BERARIAZKO ERABILERA GUNEAK <ul style="list-style-type: none"> A. Antzokia. B. Erakusketa aretoa. ◆ 4. MAILA: ERABILERA ANITZEKO GUNEA <ul style="list-style-type: none"> A. AB aretoa. B. D aretoa.
6. kap. ERABILPENA: Uzteko eta erabiltzeko irizpideak
6.1 Kultur Etxeko programazioa eta, behar denean, guneen erabilera zentroko zuzendariaren erantzukizuna izanen da.
6.2 Kultur Etxeko guneak uzteko, baldintza hauek ezarri dira: <ul style="list-style-type: none"> ▪ Kultur Zerbitzuko bulegoetan eskaera idatziz egin beharko da, jardueraren nondik norakoa, iraupena, ordutegia eta partehartzaile kopurua zehaztuta. Halaber, eskaeran izan litekeen materialaren lagapena zehaztuko da (aulkiak, mahaia...) edo ekipamendua (bideoa, arbela...). ▪ Araudi honetako 4.2 artikuluan xedaturiko baldintzak errespetatu behar dira. ▪ Erabiltzeagatik, Patronatuaren beraren irizpidez eta Udalak urtero onartua izanik, kanon bat kobratzen ahalko da.
6.3 Guneak esleitzeko unean, Zizur Nagusian kokatu eta eraturiko kultur talde eta kolektiboek izanen dute lehentasuna. Halaber, kultur jarduerak beste motatako jardueren aurrean lehentasuna izanen dute.
6.4 Kultur Etxeko zenbait gune -antzokia, batez ere- erabiltzeko, Kultur Patronatuak berak eta kultur eta arte alorretako pertsonak edo taldeek, egoerak aginduta, lankidetzaz hitzarmenak egin ahal izanen dituzte.
6.5 Beste udalekin batean, batik bat Iruñerrikoekin, kultur jarduerak antolatzen ahalko dira. Patronatuko zuzendaritza batzordeak onetsi beharko ditu proiektu horiek, jarriko diren baldintzen arabera.
6.6 Azalduko maila bakoitzeko guneak uzteko eta erabiltzeko irizpideak honako hauek izanen dira: <ul style="list-style-type: none"> ◆ 1. MAILA: ZERBITZU IRAUNKORRAK

- A. **Administrazio eremuak:** Kultura eta Euskara Zerbitzuek ez bestek erabiltzeko bi gune egonen da. Jendaurreko ordutegia zehaztuko da. Guneak ez dira uztekoak.
- B. **Liburutegi publikoa:** Nafarroako Gobernu Liburutegi Sareak ez bestek erabiltzeko bi gune egonen da, eta hark zehaztuko du bi zerbitzuetako (Liburutegi orokorra eta Haurren liburutegia) jendaurreko ordutegia. Bere erabilerak irakurketaren sustapena eta dinamizazioarekin lotura izanen du, hala nola informazioarena baliabide desberdinetan.
- C. **Taberna:** Zerbitzua bertara litezkeen hainbat motatako pertsonen eskaintza da asmoa:
1. Etxearen ohiko erabiltzaileei, hots, denboraldi osoan zehar egitarauko jardueretan parte hartzen dutenei.
 2. Batzuetan antzokira, erakusketa aretoa edo liburutegira joaten diren ikusle edo irakurleei.
 3. Informazio eske, ikastaroren bateko partaideren bati laguntzera (gurasoak...) edo Etxea topagun edo tertuliegune hartuta bertaratzen direnei.
- Horrela, bada, mota horietako erabiltzaileei egokia izanen litzatekeen ordutegia egin beharko litzateke.

◆ 2. MAILA: ERABILERA BAKARREKO GUNEAK

- A. **Bileretarako aretoa:** egoitza Kultur Etxean duten zerbitzu guztietako bilerak egiteko lekua izatea du helburu. Hauek dira zerbitzuak:
- Patronatuko Zuzendaritza batzordea.
 - Bake epaitegia.
Era berean, zentroko langileekin edo udal ordezkariekin zerikusia duten bilerak egiteko ere erabiliko da:
 - Taldearen bilerak.
 - Eremuen arteko koordinazio bilerak.
 - Langileen eta zentrokoak ez diren beste profesionalen arteko bilerak.
- Halaber, kolektibo soziokulturalen koordinazio-bilerak egiteko uzten ahalko da.
Beraz, mugatzen da beste motatako erabilerarik.
- B. **C aretoa:** Pintura tailerra: gune hau, aldi baterako, pintura eta marrazki artistikoan jarduteko erabiliko da. Interesa sortzen duen bitartean, "tailer iraunkorra" izan dadin planteatu da, eta, beraz, ordutegi zabalean (goizez eta arratsaldean) erabil daiteke.
Ondorioz, ezin beste kolektiboetara utzi, ezta arestian aipaturiko xedeetatik kanpo erabili ere.

◆ 3. MAILA: BERARIAZKO ERABILERA GUNEAK

- A. **Antzokia:** batik bat arte zabalkundearen egitaraua (musika, antzerkia, dantza, proiektzioak...) burutzeko erabiliko da. Bertan hauek izan daitezke:
- Musika kontzertuak.
 - Antzerki eta dantza emanaldiak.
 - Zine eta bideo proiektzioak.
- Bai kulturen bai ekonomian errentagarritasun handiagoa ateratzen nahian, eta udal jarduerak behar bezala garatutakoan, eskualde hartuko da kontuan gune hau emateko orduan. Ikuspegi horretatik, aretoa -edo, zehatzago, eszenatokia- epe baterako utzi ahal izanen da:
- 1) Talde artistikoei: uztea hitzarmen idatzien bitartez gauzatu da eta ordain egokiak zehaztuko dira.
Horri dagokionez, Kultur Patronatuak irizpide orokorrak xedatuko ditu, nahiz eta, zuzendaria aurkezten den proiektuaren motaren arabera, akordio puntualekara ailega daitezkeen.
Antzokian, eszenatokia bakarrik okupatzeko ahaleginak egiten dira, modu horretan, eszenatokia okupatuta egonda ere, kultur ekitaldiak (kontzertuak, proiektzioak, hitzaldiak...) aretoan burutu ahal izanen dira. Ez dezagun ahaz aretoak, oihalaren bitartez, aldi berean bi jarduera burutzeko aukera ematen duela.
 - 2) Gune hau, era berean, berez artistikoak ez diren beste erabilera soziokultural batzuetarako ere uzten ahalko da, hitzaldiak, konferentziak edo eztabaidak egiteko, alegia. Ekitaldi horiek, baldin eta Udalak burutzen ez baditu, idatziz eskatuko dira eta, kasuaren arabera, zentroko zuzendariaren edo Zuzendaritza batzordearen onespina beharko dute.
 - 3) Ez da utziko soziokulturala ez den beste ezertarako -auzokoen bilera baterako, kasu-, erabateko beharragatik ez bada (partehartzaile kopuru handia). Nolanahi ere den, idatziz eskatu beharko da eta, eskaera onetsiz gero, Zizur Nagusiko udalak ezarritako kuota ordaindu. Kanon hori erabakitzeko orduan, kolektiboa Zizurkoa ala kanpoko den hartuko da kontuan, bertakoen proposamenak, prezioak bereiziz, bultzatzeko asmotan.
- B. **Erakusketa eta konferentziatarako aretoa:** Nagusiki erakusketak eskaintzeko erabiliko da, hala nola:
- ◆ Udalerriak antolatutako erakusketak:
 - a. bertako artistenak.
 - b. kanpoko artistenak.

- ◆ honako hauek eskainiriko erakusketak:
 - a. Erakunde autonomikoak (Nafarroako Gobernua, Eusko Jaurilaritza...).
 - b. Eskualdeko erakundeak (Mankomunitatea...).
 - c. Estatuko erakundeak (Kultur ministerioa...).
 - d. Erakunde pribatuak:
 - herri erakundeak.
 - babes komertziala dutenak.

Gutxienez 6 hilabete eta gehienez urtebete iraunen duen erakusketa plan bat burutuko da, bere baitan plastika modalitate guztien (pintura, eskultura, argazkigintza, zeramika, eta abarri) toki emanen diena.

Gune honetan konferentziak egin ahal izanen dira, baldin eta une berean erakusketarik ez bada. Hala ere, erakusketarekin batera etorri eta hitzaldiak edo eztabaidak ikusgaia hobeki ulertzen lagunduz gero, aldi berean eginen lirateke konferentziak aretoan bertan.

Artistei aretoa uzteko orduan, akordioak eginen dira haiekin, honako irizpide hauek erabiliz:

❖ Kultur Patronatulak honako konpromiso hauek hartzen ditu:

1. Gunea dohainik utziko du, artistak bere obra erakus dezan.
2. Katalogoaren edo txartelaren enkargua eta diseinua, Kultur Etxeko logotipoa agertu beharko duena (elebiz). Antzeko formatoa izanen da denontzat, zentroko zuzendariaren aburuz, artistaren ibilbidea kontuan hartuta, bereziak diren kasuak Patronatuak aztertu beharko ditu.
3. Aretoa zabaltzea eta ixtea Kultur Etxeko atezainaren lanak izanen dira, baita Etxearen kontrola ere.

❖ Artistaren betebeharrak honako hauek izanen dira:

1. Obra eramatea eta muntatzea.
2. Erakusketariak edo beronek ordezkaturiko pertsonak aretoa zaintzeko ardura izanen du.

Arestian aipatutakoari kalterik egiten ez dela, Zizur Nagusiko Udalak "Erakusketa aretoaren erabilerarako araudia" diseinatuko du eta bertan gunea erabiltzeko oinarrizko baldintzak azalduko ditu.

◆ 4. MAILA: BALIO ANITZEKO GUNEA

Balio anitzeko guneak elkarren segidako jarduera desberdinak bere baitan onartzen dituztenak izanen dira.

Hautazko erabilera proposatzen da, beraz, gune hauetarako. Herriko edo kanpoko talde edo kolektiboek eskaturiko bilera, ikastaro e.a. gehientsuak gune hauetan izanen dira.

AB aretoa eta D aretoa: lehenetsuna eta erabilera jakina izanen dute, baina sor daitezkeen beste jarduerekin tartekatuta.

XEDAPEN GEHIGARRIA:

- Udalak, behin-behinekoz, Kultur Etxeko patioa erabiltzea izanen du alde zuzenetik eskaturiko ezkontzak egin ahal izateko.
- Hauteskunde kanpainetan Kultur Etxea erabili ahal izanen da ekitaldi politikoak egiteko.

Zizur Nagusia, 2003ko ekaina.